

# Alkitab Buat Bocah Nampilin

Lelaki  
Utusan  
Tuhan



Nyeng nulis: Edward Hughes

Nyeng bikin gambar: Byron Unger; Lazarus  
Alastair Paterson

Nyeng nyocokin: E. Frischbutter; Sarah S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.



Satu ari di dalem rumah Tuhan, ada pemuka agama namanya Zakharia, lagi ngebakar dupa. Di luar orang-orangn pada sembahyang. Mendadak Zakharia ngegeged.



Malekat nampakin diri. "Kaga usah takut," dia bilang. "Tuhan ngirim aku. Binimu bakal beranakin bocah. Kasih nama Yohanes. Ia bakalan dipenuhin ama Roh Kudus pas dia di beranakin. Ia bakalan ngebawa orang-orang balik lagi ke jalan Tuhan."



"Ayolah ngomong sama kami Zakharia." Orang-orang nyeng ada di luar pada bingung. Mereka kaga tau kalo malekat Gabriel bilang kalo Zakharia kaga bisa ngomong sampe diberanakin orok sebab dia kaga percaya ama pesen Allah. Dia pikir kalo bininya udah ketuaan buat beranakin bocah.



Di rumah Zakharia nulis semua pesen malekat. Elisabet, bininya bener-bener heran. Mereka terus-terusan sembahyang supaya dapet bocah. Apa iya bakalan jadi sekarang?



Kaga begitu  
lama Elisabet  
tau ia bakalan  
buntingin orok.  
Ia memuji Allah.  
Satu ari  
misannya  
Elisabet, Maria  
nengokin dia.  
Maria juga lagi  
bunting.





Pas Maria nyampe,  
Elisabet ngerasa  
orok dalem perutnya  
loncat-loncat.  
Elisabet penuh ama  
Roh Kudus. Ia tau  
orok nyeng ada di  
dalem perut Maria  
itu ialah Tyhan  
Yesus Kristus.  
Bareng-bareng  
kedua perempuan  
itu muji-muji Allah  
dengan girang.





Orok Elisabet branak kaya nyeng udah dijanjiin Allah. "Kasih dia nama Zakharia, kaya nama Bapanya," bilang para pemuka agama. Zakharia inget sama perintah Allah.

"Kaga! Nama bocah orok ini Yohanes." Pas Zakharia nulis nama bocah oroknya, ia bisa ngomong lagi, Lantas ia muji-muji Allah.



Pas Yohanes mulai tambah gede, ia jadi kaya Elia,

orang nyeng dipilih Allah. Yohanes bilang sama orang-orang kalo anak Allah bakal dateng buat ngeberkatin mereka. Pemimpin Yahudi ngebenci Yohanes karena ia bilang kepada mereka, "Pada tobat! Brenti bikin dosa." Mereka kaga mao ngedenger soal dosa mereka.



Orang laeng manggil dia Yohanes pemandi karena ia ngasih permandian pake cara nyelupin orang dalem aer buat nunjukkin kalo mereka pada tobat dari dosanya.

Satu ari Yesus bilang,  
"Biarin ini terjadi."

Lantas Yohanes  
juga ngasih  
permandian  
sama Yesus.



Abis Yesus  
permandian, Yohanes  
ngeliat Roh Kudus  
turun ke atas Yesus  
dalem bentuk burung  
merpati. Ini berupa  
tanda dari Allah.  
Yohanes tau kalo  
Yesus itu Anak Allah.  
Yohanes nyebut  
Yesus Anak Domba  
Allah nyeng ngapus  
dosa-dosa dunia.



Yohanes ngebawa banyak orang balik lagi sama Allah. Tapi Herodes pemimpin nyeng jahat, ngejeblosin Yohanes ke dalem bui. "Dosa besar buatmu ngambil




Herodias, nyeng adalah bini dari sodaramu, jadi binimu," bilang Yohanes. Herodes ngarti kalo itu bener. Dia juga tau kalo Yohanes itu pembantu Allah, nyeng bener ama kaga bedosa. Tapi ia kaga mao brenti bedosa. Yohanes kaga bakalan brenti kotbah soal dosa, meski kudu masuk bui.



Herodes ngerayain ari ulang taunnya pake pesta nyeng gede-gedean. Anak gadisnya Herodias nandak buat Herodes. Keadaan ini bikin girang ati Herodes dan dia janji "Aku bakalan ngasih apa aja nyeng kamu minta meski separo dari kerajaanku".





Anak perawan itu  
mikir "Apa ya  
nyeng kudunya aku  
minta". Herodias  
emaknya nyeng  
jahat, nyeng  
ngebenci Yohanes,  
bilang sama anak  
perawannya apa  
nyeng kudunya dia  
minta. Itu bener-  
bener kejem.



"Kasihin aja aku palanya Yohanes pemandi di atas nampan" bilang anak perawan itu sama bapanya. Herodes bener-bener nyesel ama janjinya, tapi dia sombong banget buat nolakny. Herodes nyuruh pengawalnya "Potong palanya Yohanes dan bawa kemari".





Sohibnya Yohanes pada sedih  
bangat mereka nguburin jasad  
Yohanes pembantu Allah nyeng  
pemberani ama setia. Kerjaan  
Yohanes buat Tuhan udah  
kelar. Bisajadi mereka  
ngarti kalo Yesus  
bisa ngehibur  
mereka dalem  
kesedihan  
mereka.



# Lelaki Utusan Tuhan

Sebuah cerita dari perkataannya Tuhan, Alkitab

Ditemuin di

Markus 6; Lukas 1, 3

"Palang pintu Firman Engkau ngasih terang."  
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

